

山右石刻叢編

山右石刻叢編卷三十九

此碑在遼州城內東門外即遼州之巡撫山西兼提督按察使印務副太僕寺卿樊門胡聘之所

元

祝融廟記

碑連額高五尺八分廣二尺四寸五分二十五
行行四十七字正書額題六字篆書今在遼州
重修祝融廟記

前鄉貢進士遼州儒學正山東張經篆額

鄉貢進士遼州孫瑞書丹

國子進士承事郎晉路同知遼州事帖睦爾補化撰

祝融古官也立之以正火額頊口之子黎為之口以能於火也然考之史黎之在當時非特能於火且有平土之功是以後世三皇之祭則以配神農土穀之祭或又以配社示不忘

本之義也。築壇立廟，在在皆然。而遼陽之民復別立廟以祀之，是何異於他郡也？邪？按九域志，遼陽城乃顓頊之子祝融所建也。以有功於民，血食。茲觀夫城之周圍高山峻嶺，深谷陡崖，其險固殆非筆舌所能陳者。易曰：地險山川。陵也。王公設險以守其國，險之時義大矣哉！則遼城之建，其取於時義也大矣。其為民慮也遠矣。民之受賜也，與他郡異矣。民之受賜既異於他郡，民之報本安得不異於他郡哉？且州有怪風劇雨，水旱災沴，禱之輒應，民不天厲年，多順成功德庇麻萬世，永賴宜乎。復別立廟以時祭享而不忘也。至正癸巳，監郡鐵穆迭兒文耀、口侯奧屯、填鈞夫等春行視農，有事于廟，爰思本原曰：生為上公，死為貴神，廟宇之制宜廣，宜飾。今則亦曰狹矮，不足以揭虔安靈，而又口口侈剝而不治儀像。

口昧而就滅祈民日慢梓慶弗下我等既承

王命而守其土不即口圖咎其可辭乃命草故為新眾工趨
事無怠無忽而又憫口河南兵興之故戒使勿亟恐勞民傷
財也明年甲午五月始克成為間九四而規矩中度塑像九
五而尊卑適宜門窓壁飾華無可非議者昔臧文仲居蔡口
節藻稅孔子譏其不智斯廟之改作不惟無不智之議而又
見其有事神之誠矣我

皇元以重農為國本以明禮為家法而於聖帝明王忠臣烈
士倦倦然

命有司以時致祭矧祝融乃聖帝明王之配非忠臣烈士之
流天下有司固所當祭而有司於遼陽者尤所當祭也於有
事神之文有感神之實而後質諸鬼神而無愧其文其實固

有以驗夫方今之有司以繼以承又有以啓夫將來者

至正十四年八月吉日建

吏目高瑞

敦武校尉晉[○]路遼州判官陳昱

奉政大夫晉[○]路遼州知州兼管本州諸軍與魯勸農事

與屯口

奉訓大夫晉[○]路遼州達魯花赤兼管本州諸軍與魯勸

農事口口口迭兒

校碑題前鄉貢進士遼州儒學正山東張經篆額鄉貢進

士遼山孫瑞書丹國子進士承事郎晉甯路同知遼州事

帖睦邏補化撰遼州志知州帖木兒不花撰祝融祠記以

碑證之當作帖睦邏補化

以欽定國語解例之當作特穆爾布哈譯音無定字故且

同知非知州也碑言遼州祝融祠本九域志遼陽城乃顯

頊子祝融所建故祠之至正癸巳監郡鐵穆迭兒文耀賜

侯與屯填鈞夫等春行視農有事於廟以廟狹矮侈剝乃

命革故爲新明年甲午五月始成爲記碑末題至正十四

年八月吉日建列銜有吏目高瑞敦武校尉遼州判官陳

昱奉政大夫遼州知州兼管本州諸軍奧魯勸農事奧屯

闕奉訓大夫遼州達魯花赤兼管本州諸軍奧魯勸農事

闕迭兒以記文證之知州卽奧屯填鈞夫達魯花赤卽鐵

穆迭兒文耀元人例呼達魯花赤爲監郡監縣見豐州平

傳又至正十四年四月劉尙質絳州彭侯去思碑題奉政

大夫遼州知州兼管本州諸軍奧魯勸農事奧屯填書丹

與此碑奧屯填題銜合彭碑立是年四月此碑立是年八

月自係一人州志作奧屯眞當從碑爲正碑云河南兵興
按元史本紀至正十四年三月甲戌命親王蘇克特穆爾
以兵討宿州賊丙子潁州陷此卽河南兵興之證碑見通
志金石記

三靈侯歷代封號讚

碑高二尺廣一尺六寸二十二行
行二十八字正書今在稷山縣

宣王封唐葛周爲三靈侯

唐文明封孚靈侯 七月三十日生在正位

葛文鼎封威靈侯 二月十三日生在左位

周文叔封浹靈侯 十月初二日生在右位

五方聖者封贈

東方青袍陰元伯顯聖將軍 南方紅袍趙公能顯應將軍

西方白袍史乘 威應將軍 北方黑袍劉元遠威威將軍
中方黃袍鐘事文靈應將軍

宣王贈唐葛周東嶽赴任

宋真宗祥符元年駕幸泰山天門見三人道服仙裝帝問曰
何臣屬王臣真宗封三靈侯為真君

唐封上元道化真君 葛封中元護國真君

周封下元保志真君 封畢作禮而退彩光而去

東嶽同判 讚曰

靈無之口 道化之神 辭周寄矣 濟世救民

封三□□□義事內舜之施仁時上下而不知恨去後而不
見知其身

周為烈相 □封客臣 宋遇真君 天門現身 帝親

問之 方得其因 唐□周□ 天地水神 上奉王言
保為聖門 御製妙□ 勅在姓名 祠封□□ 號
進三靈

蘇州宰□寺立石 施石張伯祿 助工楊玉 □玉

至正十四年甲午九月三日耆德鄭□建 □村李仲斌

刊

按唐葛周三靈侯封真君事見通鑑長編嘉祐八年二月
丁巳詔加號上仙隱影唐將軍曰道化真君上靈飛形葛
將軍曰護正真君真使飛真周將軍曰定志真君仍於在
京宮觀營建殿宇與此碑封號不盡同而三真君之姓則
並合又長編引春明退朝錄以為嘉祐初事而此碑以為
祥符初時代亦各不合至碑云真宗祠封泰山則在大中

祥符元年諸書並見長編先是上不豫夢三神人自言其
姓號若在左右翊衛之既寤而疾稍平乃詔徧求神祠而
無有後得上所受錄中特表異之此碑言眞宗駕幸泰山
天門見三人云云其事復相類總之宋代祀典未盡衷禮
方士又故神其事以惑時君若此類者是也不足辨

柏林寺晉王影堂碑

碑高六尺六寸廣二尺八寸三十一行
行七十一字正書今在代州西七里

碑
□□□□□柏林□□□□□□□□□□使者□李氏影堂

奉旨開□□悟□印宗慧大禪師□□都□□□□□□□

□□□□□沙門

翰林學士□□大夫知制誥修國史李□□篆額

□□□□史後綱紀彙墜君相唯務姑息致□鎮跋□□□
不上供者數十州雖憲□稍事□制而繼體□□□□□
□□□仙□□□□□國經宿□□□□□□□□□□
□久天下騷然惕然若朽索之馭六馬殆無如□何矣□□
之父國昌由偏裨奮忠勇□□獲醜屢立大功擁旄持節□
□□□□□□□王襲爵□□□□□□□□□□□□
王□□克用本沙陀人姓朱邪西□厥之僧懿宗□□李姓
由國昌始即執□子赤□也王□□□□□□□□□□
□□□□□□□□□□復長安□□□□□□□□□□
仰視初朱溫之為盜也雖從黃巢而首鼠兩端巢□□□
強兵潛謀篡逆□憚王□睥睨神□而不敢發朝廷時□□
人廡□□□□子弄威福□□□□□□□□□□抑王王三疏請□

温皆不□從使王志意不伸温既盜國秦蜀遺王□□以各
帝一方王□此生靡失□節不幸以□覺子存勗嗣奉梓宮
於此仍□□創建□□□□□□□□居之後十五年莊
宗即位□□□□真□國號唐尊王為武皇帝□□□□
□□□遼金宋雖兵革相仍而陵無恙檜栢蟠陵頂廡門□
景□晉□□□□□

皇元啓祚朔庭□□□□

太祖皇帝天兵南征□□還孫阿剌忽□惕吉忽里王□□
□□□封□攷閱譜謀知王□□祖遂主其祭祀而□□□
功德主焉延祐□□為□□□□□□□□□□□□□□
□□以常住地□數十畝□□□火寺與碑誌俱毀後復有
僧洪澤□□等竭已財重□建之所有□□田□□故為勢

家侵奪殆盡□之有者僅□□一二□□七里□□□道
西□百家□□□□□□已至元乙亥

趙王馬札罕□□□□□□住持師□道魯察□代州□
□□□□□釋教□□

國□□□□□□□□□□性消□□□□□□既
署事□脩治寺宇□□官新□□倉粟以招□雲水轉□□
輸仍□□□□構此堂繪□王影今

趙王八都帖木□□謹祀事□□施□□伍拾□為長明□
□堂□□王□而贊□之將□金石□□□王□□介其意
趣□□□□□於余□以□□□□□□孝□□□□
□□□□□□□□□□□□莊宗嘗□□於□
□□禪師□深信□□□□□□□□伽藍□□□言故不得以

老倦□嘗聞宗廟□祭羞□民□□□□□□豆□□
之所以□□□□天性□□□□承上下神祇社稷□廟罔
不□□者也□□□□□□□□□□兒而致於敬詩之清廟
易之□盥皆□□□□自天□□□□人罔不□□苟弗遵□奠
倫天性之□□而不為君子所譏者幾希□□密迹山陵蒸
嘗式序有不容□闕者乎□□聖人□體□□人□□而不
□乎時之興廢人□□於親所□□□□□□廟□鮮不
欲□厥孫□傳諸百世然自開闢迄今能纍纍昭穆歷乎百
年者□□□□成□有□□昔西征□□十八□無不發
□□其驗矣□莊宗□□知之□□□□□□□□□□
承立常住萬年不拔之基今王之□陵永永無慮恒饗歆祀
復依佛□威光□□神道其與匹夫匹婦以盡俗情□□□

裂紙不數年而松楸無依者豈不□□□□□□□□
謀遠慮為可嘉哉於以又知人天鬼神之所歸憑唯三□□
□□不可及也夫 銘曰

惟天施□ 有□有否 仁□壽夭 厥有□□ □□

□□ 匪天匪地 □□不幸 曾莫是過 □□□□

□□□□ 羣兇肆逆 犬步艱止 名以君臣 責

則□□ □□□□ 為唐之羞 有王克用 □□□□

□□□□ 天功 □□□□ 抱志以沒 □□佛官

凜凜生烝 蒼官鬱葱 □□□□ 趙國是□ □□

斯□ □□其□ 日月□何 以□□□ 死生□倚

如護屈伸 世變□□ 直道孔塞 □□□□ □□

□誌□ 忠□□□ 天聰□□ □□□□ □□□□

□
□列大夫□□□□王□佛家奴

嘉議大夫□□府王傅審伯

率直大夫降虎符□府□完者

朝列大夫降虎符王傅□□□

武略將軍降虎符□府尉和□

府尉刺□

□□至正十五年六月 日崇福

板碑題奉旨開闕悟闕印宗慧大禪師闕都闕沙門闕翰

林學士闕大夫知制誥修國史李闕篆額代州志大元莫

甯路代州柏林寺重修唐節度使晉王影堂碑標題較今

搨本完具碑言王之父國昌屢立大功鴈門等道節度使

核國昌朱耶執誼子以討虜助功賜姓名歷振武鄜延大

同三節度卒厲門節度使見新舊唐書通鑑

核唐書方鎮表中和二年

置厲門節度領析代二州核厲門節度專爲國昌克用置國昌卒二州併於河東

碑言晉王沙陀

人云云皆本新唐書傳碑云子存勗嗣奉梓宮於此新五

代史唐本紀天祐五年正月辛卯克用卒子存勗立葬克

用於厲門五代會要後唐太祖武皇帝同光元年閏四月

追尊廟號葬建極陵舊五代史天祐五年正月武皇崩於

晉陽陵在厲門皆其證也州志晉王李克用墓在柏林寺

東金天眷中爲寺僧所發元駙馬闕里吉思嘗置守冢二

十餘家土人稱爲晉王陵碑言遼金宋雖兵革相仍而陵

無恙厲門八景爲晉陵柏皇元啟祚朔庭太祖皇帝天兵

南征孫阿剌忽

闕

惕吉忽里攷閱譜牒知王

闕

祖遂祠祀

功德主焉元文類圖復高唐忠獻王碑大德九年秋七月
詔謚故駙馬高唐王闕里思爲高唐忠獻王曾祖阿刺
忽思別吉忽里追封高唐忠武王碑所謂阿刺忽疑惕吉
忽里者卽其人元史阿刺忽思別吉忽里傳系出沙陀屬
門後高唐忠獻碑謹按家傳系出沙陀屬門節度之後始
祖國在古部人太祖聖武皇帝起朔方併吞諸部約同征
帶陽會於某地忠武先期而至旣收帶陽天兵下中原忠
武爲嚮導南出界垣留居鎮守此碑天兵南征卽高唐碑
天兵下中原事碑言延祐改元初命順公以常住地數十
畝後有僧等竭已財創建之所有地土爲世家侵奪殆盡
元文類姚燧河內李氏先德碣銘鄒王之考稱晉王克用
裔孫爲置守冢數十戶於屬門禁民樵采由分地在高唐

卽碑所言命以常住地數十畝事李氏碣師王之秀初尙
主世祖再尙主裕宗以元史公主表考之趙國大長公主
月烈適趙武襄王愛不花其子爲師忠襄王木忽難愛不
花阿剌忽思剌吉忽里孫也碑言至元乙亥趙王馬札罕
云云諸王表趙王馬札罕駙馬秦定元年封校公主表馬
札罕趙忠烈王囊家台子囊家台趙忠襄王君不花子君
不花愛不花兄乙亥後至元元年碑又言趙王八都帖木
謹祀事按元史本紀至正十八年九月有實保特穆爾衛
趙王事而無其名此碑立至正十五年當卽其人通志金
石記姚燧李氏先德碣載駙馬趙王爲克用置守冢據元
史爲趙忠獻王闕里吉思此碑有剌吉忽里未知爲一人
否按姚燧文明言師王之考以諸公主表之則趙武襄王

愛不花非關里志思關里志思係愛不花子別吉忽里則
忠獻之曾祖諸人皆其後也碑見寰宇訪碑錄通志金石
記

聖母廟構兩碑

碑連額高三尺九寸六分廣二尺一寸三十七行行四十
一字正書額題虎公禱雨靈應之碑八字篆書今在絳州
絳州同知虎公聖母廟構雨靈應碑

國子監生雖陽趙恒撰

前鄉貢士河東張昌書并篆

絳爲晉^寧屬郡提封捷太行羣山轟然爲天下脊厥田剛坂
恒陽決旬則物已告瘁至正乙未夏五徂六月不雨關龜原
赭民用大恐同知州事虎公詢於衆曰天不眷佑茲九年比
大厲賜稿百穀則民將死徙我不敢以貳守追責於是借文

學操苗君桓捐俸致幣徧走羣望奏期懇無所應公乃益修昭格之誠或告聖母祠在鼓堆山顛歲凡水旱疾疫有禱必應州人甚神之查往禱諸公於是齋益嚴蠲益潔誠益加精物益加腆莠黃冠黥祠下再拜俯伏請曰同知不才奉

皇上命通守絳民今魃鬼公肆淫虐欲顛民於饑守臣不恤則大失

皇上寄民命初意躬率吏民待罪祠下敢徵神貺禮成日焰愈熾翌日公徒跣手香以出眾咸曰山磴紮回石齟齬齒植鋒利非足所堪公曰吾自責耳若等第履勿我恤時烈日亭午地膚焚如行數匝眾汗湯若氣饋若殆不能立復首地以請公曰我非矯情以干譽必兩週履眾泣公亦泣俄而澍然雲興微雨霖霖公愈益恪謹是夕大雨滂沛三日適止闔境

交賀有秋郡民僉曰雨天雨也禱而雨郡倅之雨也微斯雨則吾將死徙無所何自而得歡聚之樂哉廼鼓舞衢路相與歌曰公雨我矣歲聿登矣我室我居無轉徙矣猗歟賢倅厚我生矣恒過絳適聞歌是者遂從而詰之曰同知惠絳民止於一雨而已乎歌者曰奚止是□□□公下車甫替雍弊種惠剝苛削黠罷癯之民如曠而聞如瞽而視如執爨以濯如大暑鏹膚而沐□□□嘻嘻怡怡家政咸理其見諸民情者如是開民室積年之途正他驛取便之弊修城無再築之勞□□□箕歛之酷其見諸行事者又如此公惠豈一雨可蔽哉予聞之歛衽歎曰嗚呼恒齒胄監時與公為同齋生固知其抱負卓越不凡辛卯歲大比公釋褐名在第一其弟朶烈圖公廷對魁天下士一日殷然名動京師則四海固已拭目

以觀其展采錯事今公筮仕云初而烜赫籍甚若此誠足副
人望者與苗君□公禱雨之蹟丐文劉石仍賡衙議為詩凡
十章并刻諸左方俾觀民風者有所獻焉公家古氏名虎篤
達爾字仲亨濟○人官承務郎云詩曰

酌酌甫田百穀藝止我耘我耔亦已茂止旱旣太甚不恤
自天亢暘蘊隆焚爍燎原原隰孔焚稼也沾槁瞻彼雲漢
維憂用老猗與郡倅勤政且虔時茲奠瘞克致沛然沱豎
而和歎易以豐實穎實栗柳比暉崇○我妻孥樂我父子
舍哺鼓腹奚虞轉徙粲粲盤餐惟公我餉渠渠夏屋惟公
我居官有租矣私有誦矣以宴以享百禮胥矣河猶可帶
公壽無艾山猶可彌公福無替願公大年以相我

有元

至正十五年八月日州民耆老白村陳國英澤掌村田平等立石

石匠安進

校碑題國子監生睢陽趙恆撰前鄉貢士河東張昌書并

篆恆仕履史不詳以此碑攷之則與虎駕達爾同時爲國

子生虎駕達爾碑爲至正乙未夏旱絳州同知虎公禱應

而立所言聖母祠以絳州志攷之孚惠聖母祠在鼓堆虎

公所禱卽是祠按元張在輿梁令祠記辨鼓堆孚惠廟爲

梁令祠王沂李公政續碑同此碑以爲聖母廟蓋猶沿俗祀水神之

義今州志鼓堆有孚惠聖母廟有梁公祠孚惠聖母祠下云在鼓堆一在

三林一在古交鋪東號新廟元至正初建梁公祠下云在鼓堆一在三林一在新廟州志清源鄉有古交里安靜鄉

有三林北中南三里南古交村又州志水利下鼓堆清源

二渠合流一口灌古文莊三晝夜一口至三林北灌三林

橋東橋西地然則三林古交皆古堆渠所碑云虎公禱雨
經故立廟並祀之一表神功一報吏德也

之恪謹以及滋絳雍彝種惠正驛修城諸事可補史闕碑

又云辛卯歲大比公釋褐名在第一其弟朱烈圖公廷對

魁天下士核辛卯至正十一年 欽定本元史順帝紀至

正十一年三月丙辰親策進士八十三人賜圖烈圖原作

文允中進士及第其餘賜出身有差此碑所云與元史朱烈

合不及虎公者史本紀專錄廷試首名也未有云公蒙古

氏名虎篤達爾字仲亨濟甯人官承務郎蓋以蒙古人而

家濟甯者碑有文學揀苗桓可 碑立至正十五年八月

興國寺碑

碑高三尺五寸廣二尺三分二十七行
行五十三字正書今在垣曲縣安民街

重修興國口寺演法傳燈碑銘 并序

甲子進士奉政大夫晉路絳州知州兼管本州諸軍與魯勸農事知渠堰事宋克篤撰

絳之屬縣惟垣曲最僻遠東連邵原之野南臨大河之其縣之剝有興國禪寺在郭西遠可以眺太行王屋近可以覽中條黛媚右接毫口與葛為鄰封靠虞舜之跡居山河之勝地亦古今天下招提福田之一所也至正乙未春有口嘯河外寇東原太守出督丁壯守禦河上既而賊敗退因寓宿是寺暇日僧寶惠和南作禮言曰寺剏興於有漢而廢於金季之兵燹迨

皇元龍興崇尚浮屠吾興國之修又復新矣厥初我祖師遇公和尚因受學於海雲國師以禪律精微遂蒙見知奉

帝師法旨命釋教都總統具疏禮請俾祖師住持本寺既駐

錫寔始以不二法門開闡於此繼又得宗師性公傳其衣鉢肯堂肯構修葺□□自前至元歲次甲申尤有志於繼述嘗求文於前太子贈事院教書郎本郡縣尹□□士安欲刻石以誌來者惜性入寂事多掣肘至今凡五世經營劬作者亦多有之今觀此寺佛殿法堂位於中鍾樓三門位於前方丈精舍在於後香積在於東僧齋在其西伽藍之祠在其東南除興修寺院開墾庄田在其本縣東胡等處有常住地土計三百余畝又有此等東北二處地土計二百余畝其倉庫錢糧法器什物置買悉備不可勝數一切常住之物亦皆收貯所有百年不煩改作□□前人之力也自我祖師傳業以來生徒雲會授教者甚衆恐久遠淵沒無傳而後人或忘我先師遺訓之德寶惠寔懼焉今欲嗣性公之繼述敢復以文為請□

齋曰佛法之入中國也久矣自達磨西來始說以心傳心此是實理說極好然不足以心為燈以佛法為光明燈燈相傳明明相續使光明不絕遍照大千化度群生則實理光明尤佳傳曰父作之子述之蓋如來以虛空寂滅為教以清淨慈悲為本以道相傳如燃一燈於前而後來達磨曹溪諸人等分教與禪相續百千萬燈於後使之相傳無窮光明不絕不其美歟如其不然則是燈不傳而光不繼矣修身之道不幾於熄乎今汝釋流輩其於傳燈一錄念之熟矣然自汝祖遇公始住持於此既有以開於其前而又曰性公照諸禪師與汝輩相繼住持必有以紹於其後曷亦念夫燈燈相傳之道哉汝既嗣性公復有志於繼述則誠善矣老夫雖昏耄樸陋不文亦不可虛其請題撥實為傳燈之銘銘曰

達磨曹溪 分教與禪 嗣佛傳燈 遍照大千 東垣
古剎 興修有年 乃祖遇公 一燈在前 諸燈相續
光明輝然 □□寶惠 克紹厥先 以燈傳燈 光
照人天 爰作是銘 揭于福田

嘗大元至正十五年歲次乙未孟冬中旬吉日住持僧寶
惠立石

司吏□華 張思敬 張敬

典史史唐

典縣

進義□尉晉○路□□縣主簿□罕不花

從仕郎晉○路垣曲縣尹兼管本縣諸軍與營勸農事邢

□

從仕郎晉路垣曲縣達魯花赤兼管本縣諸軍奧魯勸

農事

承務郎晉路同知□□事

按碑題甲子進士奉政大夫晉甯路絳州知州兼管本州
諸軍奧魯勸農事知渠堰事宋克篤撰垣曲縣志與國寺
在縣西安民坊創建於漢金大定二年元延祐二年至正
十五年重修絳州知州宋克篤記卽此碑通志金石記有
元彭侯遺愛碑宋克篤撰文見今絳州志又州志宋克篤
至正十四年知絳州長白人至正中進士其文章政事可
方文潞公按克篤題甲子進士元史本紀泰定元年三月
戊戌廷試進士賜巴拉張益等八十四人及第出身有差
此克篤泰定進士非至正進士之證州志誤海雲國師見

元史憲宗紀又見元大華嚴寺碑碑云右接亳關與葛爲

鄰一統志亳城在垣曲西十里寰宇記古亳城在垣曲縣

西北十五里又有葛城稱葛伯寨按湯所居之亳在今商

邱有謂在偃師者均無在河北之說此因垣曲有亳水而

誤耳然寰宇記已載亳城此碑本之亦不足怪碑云至正

乙未春有關嘯河外寇東原太守出督丁壯守禦河上既

而賊敗退因寓宿是寺被乙未至正十五年元史本紀是

年二月己未劉福通迎韓林兒至立爲帝號小明王都亳

州國號宋又是年正月命河南行省參知政事洪超爾達

實特穆爾守禦河南此河南大亂之證賊由河南犯垣當

在此時碑有云太子詹事院教書郎本縣尹關士安以縣

志考之卽顯士安縣志士安至元二十一年任末題大元至正十五年

歲次乙未孟冬中旬立石所題官有從仕郎晉甯路垣曲
縣尹兼管本縣諸軍與魯勸農事闕從仕郎晉甯路垣
曲縣達魯花赤兼管本縣諸軍與魯勸農事闕承務郎晉
甯路同知闕事以縣志考之至正十五年有縣尹邢復與
碑立年同或卽其人碑見通志金石記

重修坤柔廟記

碑連額高三尺五寸二分廣一尺四寸二十一行
行三十九字額題重修廟記均正書今在鄉甯縣

重修坤柔廟記

奉直大夫晉卅路吉州知州貝川道人王士元撰

鄉卅儒學教諭連脩業題額

進義副尉晉卅路鄉卅縣前主簿劉卅書丹

□□□治東里許有廟曰坤柔所以祀后土也其來甚古其

宇甚壯而禱祀之答甚靈且異境內歲豐民安兩暘時若災
異之慘未嘗及之人以為神靈貺祐之徵焉歲久風雨剝食
殿宇摧圯殆盡至正八年前吉州吏曹巨卿等輸材鳩工為
正五楹香亭二楹餘則未加修葺十三年春京兆監察御史
之子修已由世賞來尹是邑視篆之明日謁於祠下□□厚
德載物之功與天一而資始之化又能上侔蒼蒼之無朕既
非他神祠可借固宜極壯麗之資以為應靈之宇以揭士民
之虔以輝經營者之力也今何以展我民之□□神靈之貺
歟欲新之適兵興供給弗暇及也十五年夏事緩迺首捐俸
金率諸僚友暨士民樂輸材力重飾正殿香亭位后土辰座
前為露臺如殿之基東西為廊各若干楹右以位五嶽右以
奠四瀆坤隅三楹位英濟王又南為神門其楹亦□壯麗與

殿廊稱簷楹之趾升降之階咸包以石畢工於次年春之三月凡木植磚甃之用金碧綉采之需所費無算享祀日四方來觀者無不共綺麗駭其威壯縣之耆老口鄉等議紀諸口持狀來請曰廟之工完且美廟之貌壯口口無文紀之奚以昭示將來願無多口余念后土之功嘉口口之誠重耆德之請故樂為之書又述迺送神辭口俾享祀之際歌之其文曰神之徠兮雲憑憑挾義口兮偕天降升山谷慘慘兮江海沸騰梁銀潢兮口白榆之玉繩豐隆口隨兮飛廉前登灑翠蕤於杳靄兮弭華口於奔崩臨庠宇以礧礧兮凌倒景於孤稜適乎兮肴口之右兮熙然勝薌之蒸頌我兮撫我口兮瞻歧之承

神之口兮天口鞭烈缺兮馳虬龍藹裳衣之口蓀兮馨佩

製之芙蓉偉椒精之芬芳兮攬衆樂口融永燭潔而弗渝
口陸離而口崇靈口其屢歆兮荃怵宏而誕容雨暘時
而寒燠平兮羌歲口而云豐吐無扎厲之虞兮口絕蠹蝕
之口茲神惠之溥將兮願言享祀於無窮

至正十六年四月吉日耆老曹巨卿等立石

從仕郎晉寧路鄉寧縣尹兼管本縣諸軍輿魯勸農事白
脩已

石匠李国卿刊

按碑題奉直大夫晉甯路吉州知州貝川道人王士元撰
鄉甯儒學教諭連脩業題額進義副尉晉甯路鄉甯縣前
主簿劉闕書丹碑云至正十三年春京兆監察御史之子
修已由世賞來尹茲邑以碑末題銜攷之當爲百姓修已

名又云謁於祠下欲新之兵興弗暇及桉元自至正十一年五月潁州劉福通蕭縣李二羅田徐壽輝作亂後征戍不息迄無甯歲十五年二月劉福通以韓林兒稱帝亳州改元龍鳳又續通鑑是年正月河南賊數渡河焚掠州縣是賊勢並未少挫而此碑云十五年夏兵事緩者或指晉甯一路言耳題銜有從仕郎鄉甯縣尹白修己碑立至正十六年四月

劉尚質吉州詩

碑高二尺一寸廣七尺五分四十二行
行字不一字徑一寸行書今在吉州

至正十六年丙申歲九月三日子與同考試官張叔重別丞相口口第駟騶至長樂坡東逢一使者醉怒掣刀擬于叔重及子予以好言辟之遂追佩

旨者于宣簡上斫數刀遂將迴馬者左臂斫三刀繼而追于至澇河以有長住軍其賊遂迴于從者李堞報于

丞相命三人馳驛追其賊越明日到臨潼損馬行二十里逢使臣知潼關賊入華陰火燒予遂策馬過渭宿于交口五日

晚至同州同州之民空城而走七日至邠陽八日至韓城与

岐王位下察罕等口征進馬正及澗池縣尉呂中孚相隨

至獨泉十一日飯后過韓城郭弓手糾合人衆弓器槍刀劫

奪將驛馬口口進馬口口十五日謁程口口蘇社長賃願馬

正十六日到宜川又得王主簿推一口口口筵檢討出身慨

有取馬及口送人負十八日渡河宿王弓手家十九日上馬

過五口河東山川人民熙々禾稼豐登牛羊散野餘糧極畝

儼然太平氣象也纔思疇昔渭南渭北之民老幼纒抱富者

貧者號哭之聲震天地。逃遁逃奔于延安諸山。又紅賊一二馬。邀數千人。驅而前。劫奪戮辱不勝其苦。渡渭之際。徒涉隨水而沒。不可勝數。又無賴之徒。假賊之名。劫略殺虜不勝其難。有司官挈家而走。殊不見為。

國為民者。吁使守令得人。有司效職。團結有方。政守有策。彼蒼者生。何以有此流離劫奪之患哉。又豈有紅巾盜賊之亂哉。因述二語留張仲達。○生劉逢吉。卿。○以紀此行實事云。是月十九日。曲沃劉尚質。仲殷父。作九月遼陽有賊兵渭南。渭北震驚。騰愚民。○馬弄弓箭。野老隄淵懷戰兢。人。○戰心。行討劫。褰衣策杖。過峻嶒。渡河。此日來。慈吉天朗。霜清。瑞日升。又西州氣象已昇平處。農家碾穀聲。石逕峻。岷容馬走。山原細險。有人行。聞說難中息。渭北免教黎庶驚。安得。

廉頗真將帥揮戈橫梁之咸京

見詩曾引書于吉州后堂時州口揚征翼在焉

奉訓大夫晉[○]路判官王[○]冲安公差過此觀詩

監造司吏許仁古孝義李昶

奉訓大夫晉[○]路吉州達魯花赤闊闊歹 子克

奉直大夫晉[○]路吉州知州楊鵬飛 德[○]

晉[○]路吉州添設知州朱[○] 德善

晉[○]路吉州添設知州王守愚 景淵

儒林郎晉[○]路同知吉川事木兒不花 仲寶

晉[○]路吉州添設同知 陳忠 文善

晉[○]路吉州新設判官 孟思誠 仲實

晉[○]路吉州吏目 張世英 趙德永

此劉尚質詩歷敘同華兵亂事續資治通鑑至正十六年
九月汝穎賊李武崔德等破潼關即紅巾賊即此事史不言華
陰陷略之也賊未幾渡河陷平陸掠安邑爲察罕帖木兒
擊破是河東亦被兵詩序云太平氣象特不如同華之甚
耳

聖惠鎮新城碑

碑從裝本錄出尺寸行
數無稽正書今在運城

運使那海嘉議祭聖惠鎮新城記

彰德路湯陰縣典史馬□□書丹

徵事郎晉寧路河東縣□□允□敬篆額

有多識勇爲之志然後能興高世不□之績匪宵次灑落器
宇宏深大過人者曠克是哉河東陝西等處都轉運塩使爲

治之○鎮鹵聖惠初丙申祀汾州人姚行簡繪塩池之圖○
于太祖皇帝上可之乃芟莽夷榛立解塩司於池之北許曰
路邨命行簡為塩使專掌塩賦是時塩始有課○用也
厥後因代不一戶口日繁延祐○今名改路邨為聖惠
權課○五萬定逐為定額○得夫先哲後○繼治於○載
輿載葺修○廟○池神以嚴報祀曰學宮以崇○
○醫卜行用庫貯鈔○以惠民○譙樓樓壺箭以授時與
夫豐濟鍾樓館傳場○隸屬之所靡○完○故萬資輻輳
于路牒呈為○華閩戶則幾四千為杜則
分南北中者三其屋廬聯榜閣輝映成魁冠於秦魏明分
於河汾也惜乎散漫縱橫四無山谿城郭之固加以河南○
羣○不軌之徒猖狂恣逞所至殘滅闔鎮之民用是宵旰履

頌止以天塹為恃儻有不虞何可以生至正丙申夏 上擢

章佩監鄆那海德俊□嘉議大夫命總河陝鹽院不踰月而

號令風飛課程雨集其去惡彰善□□□故姦□□□

□□□□□□□□莫先城事公乃喟然歎曰民維邦本

本固邦^寧豈可以無城隍恃守之故而寢食不安重戚吾民

也走仔請於朝公乃規材僦工徒步經度奠厥方面以為制

度凡民田廬之所礙者必倍酬其直以市之於是丁夫星□

□鍾□□命書吏柴瑄董其綱築壩構治各有人公朝省暮

視□□心畫如家之務已之事雖風雨未嘗一時有懈總其

陣□凡一千七百丈其為門者有五正南二門便用鹽車之

□向西北三門以通士庶賈賈每為門一則築土為臺二丈

奇廣不及崇二尺□增崇之□丈瓮以陶壁中□柳□以為

塗道重扉嚴鑰石樞鐵鑄上□屋四程戶牖洞達教卒伍刺
伐坐作之灑以備非常門之内外左右各為軍廬八程以譏
察所三程正□門則塞永□故渠改流墻外邇迤西南就□
城之池其臺廣表倍於佗門屋廂四程旋角碧甍朱楹山節
藻悅丹牖黜堊之飾翬飛跋翼中有觀音佛像以鎮之增左
右夾室二程其制□□□樂水右曰樂山知仁之意也巡
警休宴則居之門少東又為水竇一鐵櫺石港以通行潦西
門之竇亦如之□廬增□門十三程西門則不及七程察所
又增其一壩之四隅構□七屋各四程以□□坊禦之所
經始八月己巳迄功季冬之末力則鳩□□□□□百人
庶民樂於輸財赴役□不□其數會計財費則皆公之規措
也越明年三月鎮耆士韓政周士敏喬珪馬顯祖偕廿人相

率而詣□曰我使□□無城隍之故勞心勤思□□所戚而
戚之今城既完媿而衣被實惠將識興建之□□之貞□以
示方來請子文以記之余惟斯鎮也□□申周兩甲子而
成城于丙申吁天使之然邪抑天使公總是司而成之也公
常監烏江州牧創石橋三十里民免病涉之勞至今德之今
為一城囿斯民□□□□□□而民不知勞□自闔境之
民指高城深隍而思公念公曰勿□勿壞此召伯之甘棠也
愚所謂有多識□為之志然後能興□□不朽之績□□□
□□□居斯□□護惠者於是請又奚庸辭故撫其實而書
之條山後學樂閑處士黃覺

大元至正丁酉四月朔□□□全立石

按碑題彰德路湯陰縣典史馬剛書丹徵事郎晉甯路河

東縣關允關敬篆額碑言丙申祀汾州人姚行簡繪鹽池

之圖關於太祖皇帝上可之立解鹽司於池之北許曰路

村元史食貨志太宗庚寅年始立平陽府徵收稅課所從

實辦課每鹽四十斤得銀一兩癸巳年撥新降戶一千命

鹽使姚行簡等修理鹽池等損壞處所皆非丙申年校丙

申爲元太宗之八年此碑誤爲太祖食貨志世祖中統二

年初立陝西轉運司仍置解鹽司於路村與此碑路村合

碑言延祐關今名改路村爲聖惠權課關五萬錠遂爲定

額食貨志延祐三年以池爲兩所壞止辦課鈔八萬二千

餘錠五年免河南懷孟兩陽三路今歲陝西鹽課仍授鹽

運使暨所臨路府州縣正官兼知渠堰事六年改陝西運

司爲河東解鹽等處轉運鹽使司直隸中書省是年實撈

鹽一十八萬四千五百引天曆二年辦課鈔三十九萬五千三百九十五錠與此碑關五萬錠不合碑言戶則幾四千爲社則分南北中者三又云惜乎散漫縱橫無山谿城郭之固加以河南不軌之徒猖狂恣逞所至殘滅闔鎮之民用是宵旰蹙額止以天塹爲恃倘有不虞何可以生此謂劉福通等亂河南聖惠無城爲固止憑河險也碑云至正丙申夏上擢章佩監卿那海德俊命總河陝鹽院下車日訪民所戚莫先城事公走倅請於朝乃規材僦工徒步經度覈省暮視風雨不懈明年三月鎖耆士詣請爲文記之今運城志城周圍九里十三步計一千七百丈高二丈池深七尺至正二十九年運使那海德俊建名鳳凰城門有五各城樓四程黃覺記按卽據此碑此碑撰丙申之次年

卽至正十七年

至正二十八年爲明洪武元年
洪武二年志誤

碑云公嘗監

烏江州牧創石橋三十里民免病涉之勞校烏江縣和州

治德俊蓋嘗爲和州達魯花赤者末題條山後學樂閑處

士黃覺則亦河解人碑立至正十七年四月碑見通志金

石記

宋翼碑

碑高五尺六寸廣二尺八寸三十三
行行六十九字正書今在高平縣

元故朝散大夫僉太常禮儀院事宋公墓碑

翰林學士承旨光祿大夫知制誥兼脩國史歐陽玄撰

翰林侍講學士中奉大夫知制誥同脩國史趙期頤書并

篆額

泰芝丁卯歲余爲國子監丞河東宋公雲舉爲司業同寅之

契甚厚明季余遷翰林又明季公遷太常三季為至順壬申

公卒于位余往哭之慟越二十有五季為至正丙申余為翰

林承旨公之子紹昌為編脩官以其門生汾州文學掾楊

君子宜所狀公行謁余文其墓道之石揆誼何可辭公諱翼

字雲舉宋氏自唐以來世望廣平遠祖守元為潞州司馬子

孫有畱居澤之高平高良里者是為公之先世曾大父俊有

隱德于鄉大父天祚字履祥金季隨親避兵河南為盜所獲

將殺而食之有一盜見所挾書篋匿之口所夜縱之走且謂

之曰吾憐汝年幼好學不忍使汝死此汝可遠遁遂口入山

晝伏宵竄飢食草木實以活過澤州寓僧寺復遇兵入城大

掠蒼黃廋佛殿之複壁一帥得之乃若素相識者愕然曰汝

奚為至此遣兵士衛之出郭竟莫知為誰何迨時平年已邁

壯遜處山藪耕學自適號松溪道人壽八十而終今以孫貴
贈中順大夫禮部侍郎上騎都尉追封廣平郡伯娶郭氏追
封廣平郡君三子孟希祖不仕季景庠卒官鎮平主簿中子
景邗字文卿號耻軒公之考也歷官德州教授入為國史
院編脩官出宰晉城鄉寧南漳三邑所至稱廉平理民專務
德化不事鞭朴民有爭訟徐以理譬解之初寓平原以經學
授徒家居七季朝論高之因擢館職盜殺西相阿合馬

上既正殺者罪尋悟其姦利追底厥咎治其餘黨左司郎
中杜昌翁蜀儒者居都司十餘季不遷好汲引士類至是連
聖文卿奮白都堂曰杜在衆中宜見簡別不然何以勸善杜
卒得獨免且遷集賢每語人曰吾善遇天下士唯得一宋文
卿卒年七十五今以子貴累贈集賢直學士亞中大夫輕車

都尉追封廣平郡侯娶孫氏追封廣平郡夫人子二人長鱗
字士龍高平縣學教諭次即公性沉靜薦學稍長博識憑記
平居寡言罕咲砥行清介甫冠以茂異除大都路儒學正進
中山教授還懷慶

仁廟居潘河內公從府僚郊迎一見竒之問長髯者為誰秋
谷李文忠公曰懷慶教官也進而爵之酒在郡創許文正公
祠薦隱士馬景道天官為之除南陽府教授公初官將仕郎
主永寧縣簿究心民庸政不苟且有寡嫂憇其惡妯侵暴因
聞毆傷其弱息有司受財賂不理公窮治之由是民有不平
必傾公出乃陳否則抽訟牒而出期年陝西行御史臺辟為
掾長官美其風誼未嘗以曹屬遇公延祐二季以翰林 國
史院編脩官召進應奉翰林文字同知 制誥四年當代以

薦留仍居是官轉階官從仕郎至治二季陞脩撰遷承務郎
傷直玉堂東署者七年未嘗一造當道俄拜內臺監察御史
公歎曰世之清要官固有求而不得亦有不求而得者然既
得之苟患失之乃不如求而不得者猶可自解也上章劾中
丞貪濫免其官時相噉二三大臣與已宿憾輒誣殺之又疾
執政異已文致以罪公歷詆其過御史四人諫造寺二人棄
市二人黥流公請死者喪贈生者召選錄用一時阿黨得趙
遷者請擬奪不敘章累數百言咸見允納謙囚開平理出將
置大辟者四人泰定元季僉准西江北道肅政廉訪司事會
有制江浙行省置左丞相公引五大不在邊之說請勿置
為便不報是秋鎮南王將出游歷陽觀香菱瑯公適按部聞
之移按司言歷陽中秋稼未刈王出其僮從士騎必踐傷病

民請尼其行。搢憲不以口王第遣公迎勞。公論死者。養已會王以疾不果來。乃止。糾劾屬部官吏贓罪比還。罷黜者踰二百人。烏江竊盜以誑誤中望家八人。獄輸公廉得其情。釋之。歷陽。駟民善持有司。短長。蠡政肆虐人目。為十庸公悉捕。寘諸法。明季秋徵入為國子司業。為教寬嚴適中。學者心悅誠服。屬監官關貢留任三年。士習新美。祭酒虞公伯生舉以自代。天_曆二季轉奉議大夫同僉太常禮儀院事。

文宗躬郊脩之儀。注稱 旨與太常同知普華奉祝冊。

上願見公老問中書叅政阿榮白湏者為誰。阿榮對曰宿儒宋同僉也。 上注視慰勞久之。三年春擢朝散大夫進

僉太常禮儀院事。命下未幾以疾卒。是年夏四月之十有三日也。壽六十有六。秋七月三日。葬高良里之先塋。初娶陳氏。

蚤世再娶成氏有婦德並累封廣平郡夫人先公七日卒子男三人長泉昌應叙為太史院校書郎歷同知陝州事東安縣尹次紹昌至正壬午登進士第初筮崇福司照磨謝病不起逾十季今 國史院編脩官季同昌國子生孫治公該洽經傳備通百家晨出釐務馬從在門讀書澈卷乃出就馬至老不衰自號松友家有松友暇棄若干卷文符其行心肖其貌氣骨蒼然動合繩尺為士謹士即居官慎官守言多峭直而不妄善毀志耻雷同而不事鳩激難進易退綽有古風以故位不滿德時論雅器重之而亦深悼惜焉銘曰

太行之西 風氣靜頽 士生其間 秉心塞淵 侃侃

宋公 三代遺直 韻無借俗 古訓是式 起家庠序

羽儀斯文 簿則仇覽 掾則朱雲 三遷綸闈 七

閱歲華 開戶叻書 著作滿家 泊裝多冠 出攬騁
譽 摧姦拉彊 奮勇且擊 橫舍曲臺 爰諏爰咨
國有乂疑 遽亡著龜 古稱德人 遇難不傷 神比
類之 厥後必昌 松溪不死 其事神異 耻翁國士
濟以好義 及公之身 布武周行 雖曰顯揚 未
盡厥償 父祖子孫 三擢鑾坡 由談及遷 世掌編
劇 于今仕族 亦既罕儔 馳公世德 益厚爾酬
太史勒銘 勗爾後人 後人詵詵 世德斯甄
至正十七年歲次丁酉夏五月吉日建

和智王信刊

按碑題翰林學士承旨光祿大夫歐陽元撰翰林侍講學
士中奉大夫趙期頤書元史歐陽元傳至正五年拜翰林

學士承旨已而乞致仕御史臺奏除福建廉訪使行次湖
西疾復作乃上休致之請復拜學士承旨尋乞致仕特授
湖廣右丞致仕將行帝復降旨不允仍前翰林學士承旨
進階光祿大夫與碑題銜合十七年春乞致仕十二月戊
戌卒碑撰於至正十六年則元晚年之作趙期頤見元史
歸暘傳至正中期頤爲中書參議十年期頤爲集賢侍講
學士兼國子祭酒見黃潛徐文靖碑歸暘傳初暘在上都
時托克托自甘州還
且入相中書參議趙期頤員外郎稷調暘私第
致托克托命屬草詔然則期頤托克托黨也 碑云公諱
翼字雲舉宋氏自唐以來世望廣平遠祖守元爲潞州司
馬子孫留居澤之高平高良里是爲公之先世曾大父佖
大父天祚娶郭氏三子孟希祖不仕季景庠卒官鎮平主
簿中子景祁字文卿號恥軒公之考歷官德州教授入爲

國史院編修官出宰晉城鄉甯南漳三邑家居七年擢館

職盜殺西相阿合馬上既正殺者罪尋悟其奸利追底厥

咎此謂至元二十六年王著殺右丞相阿合瑪哈世祖殺

王著尋悟阿合瑪哈之奸戮其諸子及餘黨事詳元史

世祖紀治其餘黨左司郎中杜昌翁連坐文卿白都堂免

之卒年七十五娶孫氏子二人長鱗字士龍高平縣學教

諭次即公甫冠以茂異除大都路學正進中山教授遷懷

慶仁廟居河內校仁宗紀大德九年冬十月成宗不豫帝

與太后出居懷州冬十二月至懷州此大德十年翼爲懷

慶教授之證碑云公從府僚郊迎一見奇之問爲誰秋谷

李文忠公曰懷慶教官也李孟謹文忠時在仁宗邸在郡創許文正公

祠許衡薦隱士馬景道公初官將仕郎主永甯簿期年陝

西行御史臺辟爲掾延祐二年以翰林國史院編修官召

進應奉翰林文字同知制誥至治二年升修撰俄拜內臺

監察御史上章劾中丞貪淫免其官

元史英宗紀至治三年四月戊申監察御

史蓋繼元宋翼言特們德爾奸險貪汙此翼至治三年爲監察之證

時相曠二三大臣與已

宿憾輒誣殺之

此指延祐七年二月戊寅特們德爾

矯殺中丞楊多爾濟平章蕭拜珠事公歷

誣其過御史四人諫造寺二人棄市二人黥流公請死者

喪贈生者召還一時阿黨超遷者褫奪咸見允納按英宗

紀至治元年二月丁巳監察御史觀音保索約勒哈陶默

色成珪李謙亨諫造壽安山佛寺殺觀音保索約勒哈陶

默色杖珪謙亨竄於遠地

所謂二人棄市二人黥流

泰定帝紀至治三

年十二月御史言特們德爾專政誣殺楊多爾濟蕭拜珠

觀音保索約勒哈陶默色黥竄李謙亨成珪天下咸知其

冤請雪之詔存者召還錄用死者贈官有差泰定元年五

日葬高良里初娶陳再娶成子男三人

嶽昌 書大司院 校書郎 歷東安

尹紹昌

至正壬午進士 崇福司 照磨 今國史編修官

同昌

國子生 公有松友暇稿

若干卷碑首言泰定丁卯余爲國子監丞公爲司業明年

余遷翰林

元傳致和元年 遷翰林待制

又明年公遷太常

天曆三年爲

至順壬申

至順三年

公卒于位按史無元爲國子丞年碑可補

之又云至正丙申余爲翰林承旨

至正十六年

公之子紹昌爲

編修官以其門生汾州文學掾楊君子宜所狀公行謁余

爲文據此則元應翼子國史院編修紹昌請爲之碑翼元

史無傳泰定帝紀至治三年十二月有御史宋翼卽其人

碑立至正十七年五月

藕澤村孔廟記

碑高二尺八寸五分廣一尺六寸六分
二十行行三十三字正書今在屯留縣

荆建宣聖廟記

河東貢士翟祺撰

上黨儒士李遵賢書

隱士張勉篆

洪惟

皇元奄有區夏武戡禍亂文致太平俾天下郡邑莫不建立
宣聖廟學所以教育人材增崇聖道者也其於鄉社有廟世
罕見焉藕澤里之有廟學由藕塘宋思約者篤志好學潛心
体道感思吾

夫子德邁堯舜功過夏禹立萬世常行之道定古今不易之
理生民以來未有感於

夫子也於是自輸已財荆建

廟學慮始於至正之辛巳落成於至正之戊戌是以正殿兩廡輪煥羣飛流丹耀碧像貌儼然門階悉備經之營之十有八年盡悴殫力得以成焉厥西又構講堂為絃誦之所春秋教以禮樂冬夏教以詩書春秋二祀及朔望躬率其徒行釋奠之禮鄉耆從化俾子弟皆興於禮讓蓋先生之博覽群經無不貫達至於事親之孝事兄之悌盡已之忠接友之信無不備焉拙先生德器大異家人者由祖宗積德以致之欤先生之祖諱聚敦厚好古克勤於家父諱祚

勅封本縣尹好善不倦教子以義方兄諱思齊

勅授潞州判官臨民之際以仁義為樞楚以刑律為無用叔諱文學次兄諱剛毅俱有善行一家之善咸可稱焉里之士人囑予為文以記其事予乃遊公之門者不辭狂斐聊紀其

實用傳諸不朽云

至正十八年孟冬吉日儒士侯銘 李潮宗 燕觀 李

程權 程世傑 程衡 宋顯宗立石

進義校尉晉路屯留縣主簿張懷忠

陝西諸道行御史臺侍御史委斷事官李彬

玉工上黨李旺刊

核屯留縣志藕澤書院在縣東南五里藕澤村元隱士宋

思約建至國朝止存 聖殿兩楹餘祀光緒十年村人捐資重脩乃建東西角殿各一楹東西廂房各六

間門樓一楹施以丹雘煥然一新又藝文有創修藕澤宣聖廟碑記河東

翟祺撰卽此碑碑言藕塘宋思約創建廟學始至正辛巳

成於戊戌又言父諱祚勅封本縣尹兄思齊潞州判官以

屯留縣志考之所載思約思齊事加詳於記思約性澹靜

私淑聖學不樂仕進建藕澤書院塑先師四配十哲像

講學其中後學從之教化盛行至今古蹟猶存思齊以儒吏兼通

任武備同知升潞州判官歷仕至陽武縣尹爲政尙德化

不事鞭朴有古循吏風神所謂以仁義爲棰楚以刑律爲無用也棧元自中統

詔立學校郡邑莫不有學而鄉社有學則所鮮觀思約以

儒生隱居求志獨能創鄉社之學以爲天下倡殆亦豪傑

之士歟碑見通志金石記

廉頗廟記

碑高一尺一寸三分廣二尺五寸八分
二十九行行十二字正書今在稷山縣

廉將軍廟壁記

按史傳公趙之名將也若其戰勝攻取洪謀大畧具載方典
豈容讚辭然觀其釋怨相如共輔其國偃立奔魏開譜卒楚

終身慕趙則忠誠卽義故可垂名竹帛為誠後世矣異日書
彥孫克等謁余言曰予之里曰廣城故老相傳趙將軍廣頗
戍於此因以名焉里西衝塗之右建立廟貌蓋亦有年歲時
致敬禱無不應歷代因仍禮無廢闕肇修歲月前賢畧於紀
石俾後人無所遵考衆人等潛思日久志欲文諸琬琰今已
年邁恐緩不及時特請辭以示將來迹者成均友張文博來
尹是邑暇日訪余以鄉土故事嘗曰為大書以揭於神門曰
趙國廣將軍廟昭示往來但志弗載無可稽考憶西隣魏境
迺封疆之界嘗鎮守于斯乎恐筆其功烈之大者畧于此而
弗書歟是未可知也不然何里之取名曰廣城殿宇巍麗像
貌儼然而享血食於茲土耶豈虛誕而故老相傳必有由焉
耳余不敢附為之說姑摭傳遺以為辭云

至正庚子孟秋吉日

段承祚記

李文質刊

核稷山縣志廉頗廟在廉城村有記卽此碑碑云耆彥孫克等謁于言日子之里曰廉城故老相傳趙將軍廉頗戊於此因以名里西衝途之右建立廟貌蓋亦有年是廟自元至正前已有之末題至正庚子孟秋吉日段承祚記李文質刊縣志承祚字希元幼業大學謙和好禮動止有則任國子監學正以母老歸養屢徵不起人稱爲德門先生以此記觀之則承祚亦能文也至正庚子卽元至正二十年時元已大亂而崇祀營祠者見今碑志不絕何時人之昧於緩急歟

邢叔亨木蘭花詞

碑刻六面高一尺八寸廣三尺五寸二分第一面模糊行數字數難稽第二面七行行十八字至十四字不等第三面七行字跡模糊數字難稽第四面六行模糊難稽第五面六面七行行十六字至十二字不等第一面正書餘皆行書今在

蒲縣

崑至正辛丑春三月廿有八日會同寅蒲邑監燕京馬哈馬

拉尹鎮陽楊從道尹音字霍邑邢林亨簿鄉張張時敏仙尉

襄陵陳德新儒學諭忻州王秉鈞共祀

岱岳廟林亨走筆書木蘭花慢數篇音韻鏗鏘意象豪宕刺軍政之得失滄滄縷縷若大河之出崑崙恒星之麗碧虛水鏡之析埃嫫令人心懷恹然愈吮而味加銘心而口口適可

見口平蓄醞之有餘也

圖

一上蒲東東岳山頭陡起神宮有松栢參天杏桃張錦遍地

春風年年今朝比日王孫仕女騷騷十載妖兵亂國一時
豪傑潛踪 我為狂客氣盈胷起坐聽晨鐘喜夜雨如酥曉
晴似拭香火揚空眼下太平可幸官軍分散息兵戎劍戟變
為農器四民樂業 無窮 右一

蒲縣泰山古廟崇強似梵王宮去

踏翠沾靴採薇滿擔一袖

香風朝中大官

佐政輕衣蓋

體坐肥驥謾詔面諛時尚好人

遞跡無蹤 一心報

國契心胷耳所景陽鐘正芍藥翻塔荷錢出水柳絮飛空紀
律軍中大事通籌誰是舊元戎我本堯都賤士窻前經史研

窮 右二

一上蒲城岳廟陡覺人在天宮見松子花開鶯兒訴怨想古
休風一片華華草草嘆健兒游子並聯聽不是眼前荊棘怎

能免凶狐蹤 劍華如水月填曾濃睡不聞鍾看東苑薔薇

西州芍藥南鴈書空休 笑 書生已醉 黃金印挂 咲元戎 下筆

鬼神尤 懼 眼前景況何窮 右三

東岳天齊聖帝初建起一行宮所松韵 翻講分序 癸管簞鐸

搖風對面好山迎目戀清標佳致懶乘騶此夜歸來無月明

朝去認行蹤 一般清興洗心曾禁夜搗銅鍾有大吠山村

泉流西澗鶴翅摩空幾處總兵節制太平何術教軍戎天下

典章狼籍多門政出誰窮 右四

人說泰山神廟金碧炫口

皇官封 仁聖天齊每年三月雲雨雷風獨咲踈狂學士醉

歸來得興倒騎驄有客訪予不遇書門屐齒留蹤 氣吞北

海志盤胷憐老背龍鐘說即日時光人民困竭國乏囊空滿

地旌旗無數樓頭鼓角伏兵戎若識往來興廢六爻細細推

窮 右五

校蒲縣志東神山廟柱石刻元縣尹邢叔亨木蘭花詞五
首詞首有石刻小序云時至正辛丑春三月二十有八日
會同寅蒲邑監燕京馬哈馬拉尹鎮陽楊從道尹晉甯霍
邑邢叔亨簿鄉甯張時敏仙尉襄陵陳德新儒學諭忻州
王秉鈞共祀岳廟云云與碑合核邑監者達魯花赤今縣
志既錄此石刻而官師門於縣尹祇列邢叔亨不及楊從
道而主簿張時敏典史陳德新皆與此碑人名合按此刻
縣尹有二堅州官水磨碑澤州忽都帖木兒禱雨感應碑
二碑亦至正辛丑立知州皆二人又至正二十三年澤州龍神碑云
二十二年太守杜九思等於五月禱雨十月祈晴其應如

嘗二十三年總戎太尉中書平章復以朱君文明來守是州疑當時州縣有二尹二知州者皆一出朝命一出帥置此碑二尹亦其類也詞有太平何術人民困竭旌旗鼓角往來興廢文皆著憂亂意續通鑑至正十八年三月癸卯王思誠陷晉甯六月庚辰關先生陷遼州遂陷晉甯又是年察罕特穆爾勒重兵屯聞喜絳州賊棄輜重走山谷遂分兵屯澤州上黨并州杜太行諸道河東悉定郭晉太平重建夫子廟碑有至正戊戌十八年春三月庚子陷太平文蒲縣尹盧希尹東岳廟碑亦有賊過蒲事辛丑爲至正二十一年時察罕圍田豐山東而李思齊等據陝明玉珍據蜀明祖勃興江左兵勢日盛故詞句多慨歎兵戈意是年晉無兵事叔亨詞云眼下太平是也碑立至正二十一

年元史百官志元之官制自元統至元以來頗有沿革增損之異郡縣又各有添設之員各處總兵官以便宜行事者承制擬姓名以軍功奏聞則宣命敕牒隨所索而給之無有考覈其實者於是名爵日濫紀綱日紊疆宇日蹙而遂至於亡矣據史則元末郡縣增設之員不一可與諸碑相參

忽都帖木兒德政碑

碑從裝本錄出尺寸行數無稽今在長治縣

前上黨縣達魯花赤忽都帖木兒德政記

河東鄉貢進士上黨晉鵬撰

郡人李宗器書

河東鄉貢進士壺林杜敏學篆

德之孚於民者有徵誠之格於天者無間固理勢之自然乃
人事之明驗者也初上黨監縣忽都帖木兒正鄉公以剽繁
治劇之才應選用守令之職下車之始興廢補弊一以愛民
為心時當□□殘燬之餘城野蕭然民無命日公招來撫綏
諭以團結自保之法仍勸耕桑以足衣食興學校以立名教
民咸按堵而免流離之患時河南行省平章榮祿楚庵公奉
詔保衛關陝撫安晉冀便宜行事分遣大帥閔保懷遠守把
大行關隘路為晉之東藩倚重尤劇而有司供億科徵無法
公下令曰國以民為本民以食為天若征斂暴橫是速民於
亂乃括量民田分山野水陸之利驗肥瘠多寡之數著為藉
額餉悉升合芻計勛兩貧富無不均之歎於是軍民帖然上
下舉安一縣稱治鄰境取法焉加以號令嚴明信賞必罰鄉

村絕胥徒之擾將士無關餉之憂非幹濟通敏之才能若是乎至正己亥自春徂夏雨暘不時公齋沐積誠籲天禱神往復踈跣晝夜數請城南五龍祠下哀泣叩頭至於出血天憫其衷澍雨大降秋成雖晚而民無饑色軍食且足縣西八村民有晝夢神人語之曰今一方大旱爾於縣廨拜求聖水雨必大降矣民寤即往公謂之曰吾為生人安降聖水縣尹李公時敏曰口乾如此姑盡民意於是民皆稽首至地者數四而聖水果降三瓶官民驚愕捧戴而去越翼日雷風不興霖霖霑口先是六月初旬山東飛蝗越太行而西禾黍多被噬害始至潞境公輟政致禱罪躬自歸令民捕逐蝗遂越境而逝終不為害非誠與天通德洽蠢動者惡足以及此乎書曰至誠感神易曰信及豚魚蓋天地以無私而覆載造化以無

私而運用人於其間得理氣之清且正而為司牧者至公無私
私德化及民以之格天地事鬼神誠意交孚無有遠邇之間
今正卿公自縣而陞為監郡則一郡蒙其福自州而陞路治
中則一路被其澤治民事神皆盡其道所謂良有司者舍公
其誰歟邑民郭溫諒等徵文刻石以示將來故勉為之記

至正二十一年三月吉日耆老忠翊校尉千戶楊大亨儒
學教諭李珪晉軍民長官安玉路德用劉仲實韓英李克
信路道字新思戴張仲祿王溫石彥明口溫諒等立石

府司楊紹先 玉工王溫刊

按碑題河東鄉貢進士上黨晉鵬撰郡人李宗器書河東
鄉貢進士壺林杜敏學篆碑言上黨監縣忽都帖木兒正
卿公下車之始當殘燬之餘按至正十八年三月王士誠

陷晉甯察罕特穆爾傳至正十八年曹濮賊踰太行焚上
黨碑所云殘燬之餘者卽指其事碑又云時河南行省平
章榮祿瑩庵公奉詔保衛關陝撫安晉冀便宜行事遣大
帥關保懷遠守把大行關隘云云察罕特穆爾傳河東悉
定進陝西行省右丞兼陝西行臺侍御史同知河南行樞
密院事

本紀在十九
年五月庚子

天子乃詔察罕特穆爾守禦關陝晉

冀撫鎮漢沔荆襄便宜圖外事又本紀至正十九年五月
庚子賊兵踰大行察罕特穆爾部將關保擊敗之乙巳關
保與賊戰于高平大敗之路城縣志元耿元益關虎左轄
二公勳德碑戊戌盜猖晉冀宗戚二王力莫能遏傳檄關
中求援關保適爲裨將調禦澤潞兵抵長子盜由冀經路
山西大懼繼犯襄垣卽分軍三隊掩掠其眾盜懼遁自黎

城下吾兒峪居未幾盜至壺關卽往並戰獲其先鋒升副
河東宣闡復遣招討萬戶虎林赤爲佐五月盜拔遼州據
榆社二公抵城破殺乘勝大震寇夜遁追戮幾盡遂謂大
行多阨若分兵阻遏盜必不入功收萬全列守諸口咸獲
其利此卽碑云守大行關隘之證本紀至正十八年六月
戊辰拜察罕達穆爾陝西行省平章政事便宜行事十九
年八月戊寅察罕特穆爾督諸將攻破汴梁詔以爲河南
行省平章政事二十一年八月下濟南拜中書平章政事
碑立二十一年三月故仍曰河南平章碑言至正己亥自
春徂夏兩暘不時公禱城南五龍祠下澍雨大降又云先
是六月初旬山東飛蝗越大行而西始至潞境公輟政致
禱蝗遂越境而逝不爲害元史紀至正十九年五月山東

河東河南關中等處蝗飛蔽天人馬不能行民大饑關虎
勳德碑亦有春夏旱蝗事皆可與此碑相參證關虎碑稱
察罕特穆爾曰中書平章知院中丞野庵公則在下濟南
後碑云今正卿公自縣而升爲監郡則一郡蒙其福自州
而升路治中則一路被其澤按元澤州忽都帖木兒禱雨
感應記云至正辛丑春我州公忽都帖木兒下車之始按
丑卽至正二十一年是立碑之年忽都已爲澤州達魯花赤或別一
人亦未可知碑有縣尹李公時敏亦以至正己亥任碑末
題耆老忠翊校尉千戶楊大亨儒學教諭李珪管軍民長
官安玉等皆可爲考晉故者之助碑立至正二十一年三
月碑見通志金石記

蒲縣東嶽廟碑

碑連額高二尺七寸三分廣一尺六寸二十八行行四
十三字正書額題重修東嶽廟碑六字篆書今在蒲縣

重修東嶽廟碑銘

賜進士出身從仕郎蒲縣尹盧希古撰

地之有五嶽猶天之有五星也五星主動以運造化之氣五
嶽主靜以助造化之功動者無一時之停靜者有一之之位
五星各有攸司歲星惟仁之施五嶽各有厥職岱宗惟仁之
施天官書歲星所在國不可伐五穀蕃昌不其仁乎公羊傳
觸石而出厲寸而合不崇朝而雨天下者泰山之雲也興雲
致雨生育萬物不其仁乎然則歲星岱宗其揆一也今岱宗
之廟徧於天下無國無之無縣無之雖百家之聚十室之邑
亦妥靈者非以其仁滿天下澤流萬世故耶夫以岱宗之仁
衣被斯民而斯民神其神也固宜蒲縣治所東二里有山曰

翠屏其西其東其北則有清滿鳴澗其南則有培塿羅列若
伯仲然青松蒼栢環於四周上及於巔下及於趾鬱鬱然森
森然無慮千萬章孤峯巍然有以超眾山之上一區凡若干
畝花竹交加雲煙吞吐四時之景呈露蓋有千態萬狀雖霍
山王屋之秀不能有加於此彼幽者神於是焉棲固其所也
斯宮之饒舊矣碑文剝落無以考其興建所自聞之邑人殿
舊制壯麗蓋蒲邑名祠云大德癸卯心思不瘠地遂以震致
宮一傾為瓦礫之場父老視之慨然興歎其後道流曹居義
志其重葺憺憺焉惟役大費廣是憂謀於眾眾義之大儲者
助財多丁者助力建殿若干楹東西廡若干楹工未訖功延
祐丙辰地震棟宇再摧歲次戊午居義與同舍友喬居進及
弟子張士柔復作大殿五楹前為香亭以祠

仁聖帝後宮以祠聖妃東西廡七十有四楹以祠諸神門有
衛神高謀若崔府君若十王咸有殿以安神棲宮西築廬數
楹以居道流居義將物故曰所葺未完為山功虧悲夫是後
居進亦卒士柔典領厥職常荏靡不有初鮮克有終之嘆於
是憂勞日甚忘寢與食寒不妒暑不扇識者見其刻苦即告
邑人曰張士柔遊方之外宜若古者黃冠師視世事為浮雲
而不知念家溪谷友猿鶴外功名而薄富貴齊得失而務修
養不勞形神一以虛靜為本優游卒歲亦云足矣今其心專
於葺廟如是斯人也不既偉乎於是助作者雲合霧聚攻木
之工巧者陶者設色者各極其技功遂以成迺至正二十年
七月乙卯士柔謂余曰三十年之間弟子職此不暇居以
成厥功先師之教然也龍集戊戌淮賊過蒲火其屋斧其民

四野蕭然一空愚用是感疾廢事今復補墻堦榱瓦之缺以
終先師之志子盍篆其事於麗牲之碑銘曰

岱宗巖巖 幽有靈貺 維古帝王 時巡以望 世主

封禪 玉檢金泥 蒲邑有廟 明神斯棲 庶民靈之

歲時致祭 禾黍用豐 寔神之惠 賢哉方士 業

農儲財 誘民再葺 壯者子來 于時落之 金碧煌

煌 翠屏壯觀 萬古之光 瞻彼山川 民有古風

勒銘金石 以示無窮

雲水天然子方道源篆額并書

至正歲次辛丑孟夏吉日門徒知廟李善明并 衛善德

李善能 孫徒王伯祿等同立石

臨汾縣小榆村趙仁義刊

按碑題賜進士出身蒲縣尹盧希古撰襄陵縣志盧希古

至正中進士第初授太常禮儀院太祝尋調鄉甯縣尹轉

蒲縣尹徵爲國子助教祀鄉賢又盧希古墓在縣南三十

里義店村

志有至正十三年盧希古撰朝陽洞記

亦見蒲縣志官與碑同碑

言縣治東二里有山曰翠屏一統志翠屏山在蒲縣西南

二里山勢聳秀松柏鬱然半巖下有泉從石竇涌出名曰

汗泉與碑所言合元史祭祀志至元二十八年春二月加

上東嶽爲天齊大生仁聖帝此碑云仁聖帝卽東嶽神也

縣志東神山有東嶽行宮卽碑所言仁聖帝祠

元史五行志大德七年八月辛卯

地震平陽太原尤甚壞官民廬舍十萬計

志言太原徐溝祁縣平遙介休

西河孝義而無蒲縣可據此碑補

卽此碑所云大德癸卯地震致官一傾

爲瓦礫之場者又元史本紀大德八年六月庚辰以去歲

平陽太原地震宮觀摧圮者千四百餘區遺士死傷者千餘人命振恤之亦可參證碑又云延祐丙辰地震棟宇再摧五行志延祐三年八月己未晉甯冀甯等郡地震史言郡不及縣可以此碑補之碑未有云龍集戊戌淮賊過蒲火其屋斧其民戊戌至正十八年元史本紀至正十八年三月癸卯王士誠陷晉甯三月丁巳賊分二道犯晉冀一出沁州一出絳州不言所攻縣邑以此碑及元郭晉太平重建夫子廟碑考之則蒲太平二邑皆賊氛所及碑所謂能補史者以此碑立至正辛丑實至正二十一年